

皇清經解

文

明

報

報



皇清經解卷一百五十六

學海堂

春秋簡書刊誤

蕭山毛檢計

奇斷

著

皇清

漢藝文志有春秋古經十二篇先儒目之為簡書即聖經也其

分十二篇者以春秋十二公每公得一篇則十二篇也第其書

不知亡于何時唯三傳傳經則各有經文載于其中漢初行四

家之學有公羊穀梁鄒氏夾氏而鄒夾無傳祇公穀二學早立

于學官而諸生傳之顧兩家杜撰日不見策書徒以意解經故

經多誤字而公羊且復以里音市語調護其間其所存聖經已

非舊矣及左傳行世則始知有簡書正文冠策書首故當時左

公穀三傳俱著竹帛而左之為傳先于公穀漢人亦稱左氏為

古學公穀為今學而其如左氏晚出公穀立學反先于左氏是

以治古學者雖有張蒼賈誼張敞賈逵服虔輩不下于董仲舒公孫弘輩之治今學而諸生膠固競立門戶卽加以前漢劉歆後漢韓歆兩歆之爭必不能救左氏膏肓之目而策書簡書總無聞焉夫左氏之傳卽是策書左氏之經卽是簡書故夫子筆削祇襲魯國之簡書以爲之本卽絕筆以後猶有舊簡書一十七條見于左傳則哀十四年獲麟以前其爲真簡書而以之作夫子之聖經公羊穀梁俱無與也乃宋胡安國自爲作傳其所載傳中者原非簡書祇以穀梁本爲據而穀之與公如狼狽廬員彼此呼吸與左氏之所載者全不相合而於是聖經亡卽簡書亦亡矣予著春秋傳念不及此亦仍以胡氏所載爲聖經原本而反標三傳諸字同異于其下東陽李生紫翔者著春秋紀

傳早已行世及之官嶺表疑予傳聖經之有未覈屬王生虎文  
問及之子乃命猶子文輝取三傳聖經之各異者以簡書為主  
而各註所誤而明標之名曰刊誤嗟乎前人之誤其所厚賴于  
後人之刊之者豈止是與

隱公

十一  
四條

公及邾儀父盟于蔑

元年

邾公羊作邾婁後同蔑公羊穀梁俱作昧

邾本附庸國武王克商封顓頊之後名俠者于邾地當時稱

邾俠則邾祇一字明矣公羊多一字曰邾婁據舊解邾人語

聲歇未必有婁字猶吳人發聲有勾字越人發聲有於字曰

勾吳於越類然經文亦有之如檀弓邾婁考公之喪哀十三

年於越人吳類特此必不然者穀梁亦先左氏出而經文始  
終祇一邾字此非左氏改本又明矣或曰五等爵國無兩字  
惟附庸有之如須句顓臾類則邾在桓年已與齊桓相盟會  
曾受王命進子爵自莊十六年後凡經文俱書邾子則亦當  
改附庸兩字之例而公羊後經必加婁字于子字之上又何  
以稱焉

蔑亦名姑蔑卽魯國卞縣南姑城也昧與蔑聲轉之誤

無駭帥師入極

二年

駭穀梁作孩後同

莊子孩溺于馬氣謂咽食也無駭展氏名無考

紀裂繻來逆女

二年



裂公穀作履

履裂聲轉

紀子帛莒子盟于密

二

帛公穀作伯

據左傳杜註裂繻紀大夫子帛者裂繻字也公羊以帛字作

伯字而不能傳曰無聞焉爾穀梁有二說一以伯字連下讀

曰紀子紀君也伯者長也伯莒子者謂其盟時長莒君而使

為伯也一以伯字連上讀曰紀君長于莒君而為盟則從來

書盟並不列長次于文中蔡衛滕薛儼然爭長次而書並不

及况以無據之長次可上可下而臆解經文豈可為訓乃胡

氏不知何據謂經文有闕一如甲戌己丑之兩及而俗儒解

者謂子伯皆爵名一人而兩爵自必有誤夫子因闕疑而慎

言其餘則公穀所誤緣不見策書其擬議固不足怪胡氏豈不讀左傳而其說如此此必謂左氏不足據耳夫不讀左傳當讀他書許氏說文明曰繻帛俱是繪而徐註以繻爲傳符之帛謂關門傳符當用帛邊以爲信則繻名帛字在杜註原自可據况經字有必不可易者不讀漢書乎終軍出關關吏予軍繻而軍棄之舊制凡關吏譏察出入必書帛爲符裂而分之曰裂繻則此一裂字在左氏受簡書時必不豫知有終軍之事而改此文而終軍在漢武朝亦並不知春秋之更有左氏而故造此事以求陰合于簡書之字此則履之必爲裂帛之必不可爲伯有斷然者

况胡氏無學既拾人之誤而又自坐以大誤夫欲解聖經當

亦取聖經而全讀之單讀此經則紀子者子焉爾或爲子或爲伯當慎言焉爾乃桓之六年明日公會紀侯于郟又曰紀侯來朝十有三年又曰公會紀侯鄭伯戰齊師十七年又曰公會齊侯紀侯盟于黃至莊四年直曰紀侯大去其國而紀亡矣則是子雖闕疑雖慎言亦不應荒心喪志前後繆亂至于如此如此而猶欲傳經何可矣

尹氏卒

三年

尹左傳作君

說見毛氏傳

葬宋穆公

三年

穆公穀作繆後同

穆繆通字禮記大傳序以昭繆



衛州吁弑其君完

四年

州穀作祝

此則有意變異矣州吁見諸經誰作祝者此不過字聲之轉而齊魯間人語音有然如雜記齊人有祝雞翁呼雞爲州州亦呼作祝祝類今漫入經字亂矣祝有讀咒者亦作詛卽詛詛也然晝聲州吁豈得稱晝吁乎

公矢魚於棠

五年

矢公穀作觀

杜註矢陳也設張也謂張施捕魚之備而觀其所獲與莊子濠上觀魚祇視其游泳不同故此經有策書載臧僖伯諫詞一百六十餘字皆公穀所未見者若止觀魚則僖伯此諫爲

多事矣且既有諫詞則其語自有著落諫明以蒐苗獮狩與山林川澤之實為捕魚發論則自非觀看之謂杜甫觀打魚歌不得謂觀魚歌也又且簡書與策書照應策書明曰遂往陳魚而觀之即又述簡書一語書曰公矢魚于棠書者簡書即此經也然則經本如是矣

鄭人來渝平

六年

渝公穀作輸

此不過字形之誤雖異詁而義實可通渝者變也輸者納也按隱公為太子時魯惠曾與鄭戰于狐壤而隱公見獲未經通好至是鄭始來求成是變怨為好所謂更成亦所謂輸斤也但更而後輸更可包輸輸不可包更則渝盟勝矣若公穀

改輸而仍解作渝曰輸墮也且又以墮成爲不果成貝入牛  
字義乖卽事實亦變總由不見策書而憑臆卜度故至此

鄭伯使宛來歸祊八年

祊公穀作邴後同

祊本鄭邑周宣封鄭時有助祭泰山湯沐之邑曰祊若邴則  
說文曰宋下邑在泰山並非一地揣其意不過以同在泰山  
之邑可借此作異而不知張州李縣有難通者

公及莒人盟于浮來八年

浮來公穀作包來

不可解

挾卒九年

挾公穀作俠

公會齊侯于防九年

防公作邴

防又作邴不可解防是鄭邑防是魯邑邴是宋邑並未相通據舊註魯防邑在瑯琊華縣東南臧武仲據防豈得據他國之邑此皆無足道者

夏公會鄭伯于時來十一年

夏字下公穀俱有五月二字時來公作邴黎

時邴同音來黎聲轉總是繆誤即來原可讀作黎如商國萊侯即黎侯吳人伐州來即楚州犁之采類然公之讀犁則仍是里音如如棠矢魚傳以得利為登來云齊人口語如是其



非史文瞭然耳

桓公 一十  
六條

杞侯來朝 二  
年

杞公穀俱作紀

公會杞侯于郕 三  
年

杞公作紀 郕公作盛

此與前文俱是杞不是紀公穀誤說見毛氏傳

天王使仍叔之子來聘 五  
年

仍穀作任

不可考

五年

孟公作螺後同

公會紀侯于邾

六年

邾公作成後同

此邾是魯邑與前邾國不同故左氏傳文亦作成

齊人衛人鄭人盟于惡曹

十一年

左傳有齊衛鄭宋四國反疑經闕宋人非也說見毛氏傳

公會宋公于夫鐘

十一年

鐘公作童

公會杞侯莒子盟于曲池

十二年

杞公穀作紀曲池公作毆蛇

此亦是杞不是紀公穀誤夫童毆蛇不可考

公會宋公于虛 十二年

虛公作郟

虛為宋地郟則魯地矣總由不見策書不得真事實但知魯宋相會則其地可宋亦可魯因別改一魯地而不知狡獪伎倆其拙而可笑止如此

鄭伯使其弟語來盟 十四年

語穀作禦

語禦通字如越絕語兒鄉即禦兒鄉類

宋人以齊人蔡人衛人陳人伐鄭 十四年

公以蔡人列衛人下

此非蔡衛爭長之時不必有次第可據但作異耳



公會齊侯于艾

十五年

艾公作郟穀作蒿

公會宋公衛侯陳侯于袤伐鄭

十五年

公于宋公上加齊侯二字袤公作侈

公公穀作異總不出人名地名字形字聲之間至最狡獪者則列國盟會次第稍一顛倒亦原無可考至此經乃忽增齊侯

且二字于諸國會伐之首以為此必無證據可掉臂耳不知此

一會伐是魯宋主謀合諸國以納鄭突伐鄭忽者齊世德鄭

公忽黨忽而讐突其在前忽突出人無不齊助忽而魯助突忽

突不兩立齊魯不並袒豈有魯謀納突于以伐忽而齊肯與

于其間者公穀與胡氏絲毫不識經并不識經之前後而左

塗右抹癩兒盜沸錫思掩不備乃不虞動輒滅手至于如此  
嗟乎可廢然矣

公會邾儀父盟于趯十七年

會公穀作及

夏五月丙午及齊師戰于奚十七年

公無夏奚穀作郎

公與夫人姜氏遂如齊十八年

公無與字

莊公二十  
五條

單伯送王姬元年

送公穀作逆

送之爲逆此公穀之以字形誤者周制王姬下嫁諸侯必以同姓諸侯爲之主婚時莊王王姬下嫁齊襄使我公主之故單伯送之至魯以送必上卿單伯者正王國上卿爵也公穀誤送作逆實反經無理乃妄爲說曰迎王姬本我魯事此一單伯必魯卿之受命于天子者夫大國三卿雖當命于天子然並不曾有公伯諸爵稱于簡冊且單本畿內采地而世以采爲氏者春秋稱單伯單子單穆公單成愆無非王官並無一魯卿得參預其間其謬誤固不待言特揣其鄙意必因文十四年單伯如齊齊人執單伯并執子叔姬以爲單伯必魯卿魯使故得與我姬並執是必逆王姬之單伯與叔姬同執之單伯前後一人皆此魯卿而不知策書明云魯襄仲使告

于王請以王命求叔姬故王遣單伯如齊而齊商人以弑逆之賊并抗王命而執之是前後單伯簡策顯然公穀目不見簡策而胡氏以盲工事瞽師總皆不見宜乎兩傳兩遵之也且此單伯必非文十四年之單伯莊元至文十四約八十餘年其斷非一人又可知也

公次于滑

年三

滑公穀作郎

齊師遷紀公將會鄭伯與謀救紀而鄭伯以國難辭之故次于滑則公已出國與鄭通說非郎明矣特舊註滑是鄭地則不然當是同姓一小國而與鄭隣者觀後鄭伐滑則非鄭地秦人人滑而晉曰伐我同姓則同姓國矣其後齊桓會幽有



滑伯在許男下或卽此耳

公及齊侯狩于禚四年以爲首共于以爲末策書文也且共禮以

糕公穀作郛

前三年會禚惟公郛而穀不然今公穀同不可解

鄆黎來朝

五年

黎左作黎別出

齊人來歸衛俘

六年

俘公穀與左氏傳文俱作寶

簡書是俘而左氏策書文原是寶字杜氏謂公穀與策書俱

然此必經文有誤者且云俘囚也俘必以人而衛所歸是寶

物因以爲疑而孔氏正義則直云寶與保古字通用此以俘

保字形近致誤則笑話矣按爾雅俘取也其註云如書言俘厥寶玉則囚人曰俘取寶玉亦曰俘此正俘寶玉也其二云書言者以書序湯既勝夏遂伐三朥俘厥寶玉誼伯誼仲作典寶則獻俘作書而反以典寶名篇簡書專言俘與策書專言寶俱可通矣杜孔偶不見及耳

甲午治兵

八年

治公作祠

古治兵振旅皆以教戰然必于出師之際告廟行事故亦稱祠兵今師次于郎徒以俟期之故選日教戰即有告亦載主耳公穀稱祠兵左以為治兵于廟皆非策書文也且我師以正月次郎甲午者即正月中日耳古干支皆記日無記年與

月者以此月出師即以此月習戰而公羊曰久胡氏曰役久何以解之

公及齊大夫盟于蕞九年畏不公嫌齊曹帥二字

曾齊蕞公穀作暨九年蕞也公前於蕞此於泉不可蕞與于水

夏公伐齊納子糾九年蕞也公前於蕞此於泉不可蕞與于水

子糾公穀作糾

宋子糾去子字無理孔氏正義云案今定本經文糾字上有子字則在唐時尚有經文定本今亡之矣乃胡氏直曰糾不書子者明糾不當立也則請讀後經九月齊人取子糾殺之此齊公穀與左氏文總無異也豈夏不當立九月當立耶

荆敗蔡師于莘以蔡侯獻舞歸十年



舞穀作武

齊侯宋人陳人蔡人邾人會于北杏年十三

齊侯穀作齊人齊侯穀作齊人

說見毛氏傳說見毛氏傳

宋人齊人邾人伐邾年十五

邾公作兒邾公作兒

邾即前邾黎來之邾也公前作邾此作兒不可解

會齊侯宋公陳侯衛侯鄭伯許男滑伯滕子于幽年十六

公會會上公有公字許男下公穀有曹伯二字即有告亦

不可考

齊人執鄭詹年十七

詹公作瞻後同

齊人殲于遂十七年

齊人殲公作殲

齊人不死于水而死于陸且此時無海戍又無吳人水犀軍

即晉陽之灌亦屬後起誰為殲之乃何休解曰投藥于水中

使飲食而死則殲者沒也藥死而曰沒死非信史矣

齊人伐戎二十二年

戎穀作我

無傳不可考

春王正月肆大雩二十二年

大雩公作省

大省原不可解何休解曰謂子卯日也夏商以子卯日亡此  
日當省但居喪不避子卯日桓有母喪而避子卯而不哭則  
過度矣肆者過度也則尤不可解按檀弓子卯不樂士喪禮  
既殯之後朝夕哭不避子卯則子卯二日吉事避而喪事不  
避禮固有之然未聞名為省也且桓雖不念母然子卯不哭  
出自何書此經與此傳不聞簡策從未有子卯二字稍見行  
列不知東漢何劭公何由知之如此而欲作公羊墨守不亦  
愷哉

陳人殺其公子御寇

二十三年

齊人御公穀作禦

御禦通字列御寇亦作禦寇

冬戎侵曹曹羈出奔陳赤歸于曹

二十四年

郭公

二十四年

左以此兩經分四節公穀以戎侵曹曹羈出奔陳作一節

赤歸于曹郭公連作一節

此經失策書故左氏無傳但左氏分四節者以一節為一事

不相干也公穀皆以侵曹奔陳為一節一事赤歸郭公又一

節一事其以侵曹奔陳為一節者謂戎來侵曹曹君欲親戰

而曹大夫名羈者三諫不聽去而奔陳此一事也赤歸郭公

又一節者謂曹君為戎所殺適有失國之君名赤者從外歸

于曹而曹無名赤之人問之蓋郭公也此又一事也于是何

休解曰郭公有地之君失國來曹當書出奔今書歸者一似



此人之來有類乎所殺之曹君諡之爲郭公而還歸于曹者  
而其實則但是赤歸不是曹君歸其不書奔者從微者例也  
則此一郭公既是郭君又且假之爲曹君之諡或爲赤郭公  
或爲曹郭公無論諡法無郭名卽曹君射姑前年書卒其子  
僖公並未見殺兒曹嘔啞子無根據乃范甯註穀梁較勝于  
休且其時有徐乾薄氏輩兩相論辨而終不能變其說六經  
皆齊諧矣唯杜氏註左傳直云曹羈蓋曹世子也先君旣葬  
而不稱爵者以微弱出奔故曹人不能赴也赤卽曹僖公也  
蓋爲戎所納故曰歸也則曹羈出奔陳赤歸于曹一如桓十  
一年鄭忽出奔衛突歸于鄭簡書前後書法恰合此真以經  
解經之最善者然猶有據史記世家與年表謂曹僖名夷不

名赤以爲質難總謂不如闕疑耳若正義載賈逵說謂羈是曹君赤是曹公子之爲戎女出者故戎侵曹逐羈而納赤此說與杜氏同而較詳于杜且頗有理焉知非東漢初原有師承而爲杜氏所據者若此者又何必過難焉

春公伐戎

二十六年

公無春字

桓無秋冬定無正月便云有意削之今莊并無春耶

公會齊侯宋人救鄭

二十八年

公有邾婁人三字在宋人下

冬築郿

二十八年

郿公穀作微穀梁註引左傳作麋今左亦作郿

春延新廡二十九年

廡公穀作廡

師次于成二十九年

左無師字

此我師之救鄆者也左氏無策書并失師字

冬十月己未子般卒二十二年

己公穀作乙

無考

皇清經解卷一百五十六終

漢軍生員樊封校



皇清經解卷一百五十七

學海堂

春秋簡書刊誤

蕭山毛檢討 奇齡 著

閔公 一條

公及齊侯盟于落姑 元年

落公穀作洛

僖公 二十一條

邢遷于夷儀 元年

夷公作陳後同

公會齊侯宋公鄭伯曹伯邾人于櫜 元年

櫜公作杅

公敗邾師于偃 元年 偃公作纓

公子友帥師敗莒師于鄆獲莒拏元年

鄆公作犁穀作麗

虞師晉師滅下陽二年下公穀作夏

齊侯宋公江人黃人盟于貫二年

貫公作貫澤

按貫宋地梁國蒙縣有貫城卽貫城也然並無澤

公子友如齊涖盟三年

公子下穀多季字涖公穀作拉後同

齊人執轅濤塗四年轅公穀作袁後陳轅頗亦同

公孫茲帥師會齊人宋人衛人鄭人許人曹人侵陳四年

茲公作茲後同

會王世子于首止四年止公穀作戴後同

公會齊侯宋公陳世子欵鄭世子華盟于甯母七年

甯穀作寧

甯母即高平泥母亭寧泥甯總是音轉之誤

曹伯斑卒七年

斑公作般

斑原通般經顏班魯班皆作般即斑亦然內則馬黑脊而般  
臂漢郊祀歌般般之獸

公會王人齊侯宋公衛侯許男曹伯陳世子欵盟于洮鄭伯乞

盟八年

陳世子欵下公有鄭世子華

此因前年甯母之會有陳世子欵鄭世子華兩人故此亦攙入之不知甯母之會以鄭世子爲齊所惡故鄭使世子請盟于齊則世子與會實鄭伯使之也今盟洮以謀王室因鄭伯新服未得徵及故乞盟向使世子得與會則鄭伯既使其子不必又身乞盟矣此皆與本經前後不相顧者

春王正月宋公御說卒

九年

正月公穀作三月御穀作禦

正三字形之誤或謂是年夏齊桓葬丘之會宋公子襄公新立而經稱宋子以宋公未葬故有是稱則必會期與葬期相近似須三月不知諸侯五月始葬雖春正至夏未晚也鳳制天子諸侯未葬皆可以改服行事晉平之改服會溴梁亦猶



此也觀此則蘇軾之據晉平必不改服因以責康王冕服非  
周公之禮真無狀矣

甲子晉侯詭諸卒九年

甲子公作甲戌詭左舊本作倝

總不可考此非長麻所能推者

晉里克殺其君之子奚齊九年

殺公作弑

左傳以先君未葬故稱殺與後弑其君卓正有別

冬大雨雪十年雪公作雹

春王三月庚午日有食之十二年三月穀作正月

季姬及鄆子遇于防使鄆子來朝十四年

鄆公穀作繒後同

會陳人蔡人楚人鄭人盟于齊十九年

會上公有公字

宋公楚子陳侯蔡侯鄭伯許男曹伯會于孟二十一年

孟公作霍穀作雩又穀別本作字

孟雩字聲誤而霍又雩形之誤總宋地而已

齊侯伐宋圍緡二十三年緡穀作閔後同

公會莒子衛甯速盟于向

速公作邀後衛侯速仲孫速鄭游速皆同

齊人侵我西鄙公追齊師至鄆勿及二十六年

鄆公穀作鶩勿左作不

楚人滅夔以夔子歸

夔公作隗

隗本狄族赤狄之以國為氏者晉叔隗季隗是也若夔本蠻國與楚同姓皆祝融之後故此策書以不祀祝融滅之而又改作隗謬矣

公會晉侯齊侯宋公蔡侯鄭伯陳子莒子邾子秦人于溫二十八年  
穀無齊侯二字

天王狩于河陽二十八年

狩穀作守

巡狩可通守蒐狩而通守即是字誤

會王人晉人宋人齊人陳人蔡人秦人盟于翟泉二十九年

會上公有公字翟公作狄

衛遷于帝丘三十一年于穀作於

鄭伯捷卒二十二年捷公作接

晉人及姜戎敗秦于殽二十三年

左穀秦下有師字

公伐邾取訾婁三十三年

訾婁公作叢穀作訾樓

文公二十一條

楚世子商臣弑其君頹元年頹公穀作髡

公孫敖會宋公陳侯鄭伯晉士穀盟于垂隴二年

隴公穀作斂聲轉



晉陽處父帥師伐楚以救江三年公穀無以字

王俠召伯來會葬五年召伯穀作毛伯

晉侯驩卒六年驩公作謹

晉狐射姑出奔狄六年射穀作夜

取須句七年

句公作胸

須句即東郡須昌與齊郡臨胸不同

晉人及秦人戰于合狐晉先蔑奔秦七年

蔑公作昧奔上有以師二字

據策書晉襄公卒使先蔑迎公子雍于秦將立之已而立靈

公遂背先蔑而拒秦于合狐其曰戰者以秦晉有隙且是時

皇清經解 卷一百三十一 五  
秦多以待衛送雍因之趙盾輩以師禦之若先蔑則並無師也左氏策書有誤有先蔑將下軍語以使秦之人而忽作拒秦之帥已不可解公竟以師字攙入經文益貿貿矣

公子遂會雒戎盟于暴

八年

雒公作伊雒

公孫敖如京師不至而復丙戌奔莒

八年

公無雨字

楚子使椒來聘

九年

椒穀作菽

爾雅椒本作茱此又以茱誤菽者但楚詞申椒楚大夫椒舉

類皆作椒無別出字

楚子蔡侯盟于厥貉十一年厥公作屈

楚子伐麋十一年

麋公作圖

麋本蠻國之有名者策書稱麋子其國在下雋巴陵諸地與卷讀圈之在河南郡者大別

叔仲彭生會晉卻缺于承筐十一年

公穀無仲字筐公穀作匡

季孫行父帥師城諸及鄆十二年

鄆公作運後同

世室屋壞十三年

世室左穀皆作大室

太室是周公廟室世室則伯禽廟也左氏但作大室不指何  
公廟穀梁以為伯禽有太室又謬矣

公如晉衛侯會公于沓十三年

公會下無公字

公及晉侯盟公還自晉鄭伯會公于棐十三年

穀還上無公字棐公作斐後同

公子遂及齊侯盟于鄆十六年鄆公作犀

宋人弑其君杵臼十六年

杵公作處後齊侯杵臼卒亦同

古人名杵臼多矣此豈可以音同出別字乎

葬我小君聲姜十七年聲公作聖



宣公十五

晉趙穿帥師侵崇元年

崇公作柳

崇秦之與國即文王伐崇地也公改柳而曰天子之邑則與

策書晉將求成于秦而先侵崇以要其成爲不合矣且晉固

無道然伐天子邑亦安據乎况後經有秦師伐晉報侵崇之

役則經且不識而故爲作異多見其陋劣耳

晉趙盾弑其君夷臯二年臯公作隼

楚子伐陸渾之戎三年

陸渾公作賁渾後同

齊高固來逆子叔姬五年左無子字

夫人嬴氏薨八年嬴公穀作熊

楚人滅舒蓼八年蓼公作鄆

葬我小君敬嬴八年

敬嬴公穀作頃熊

嬴熊氏固不可考若敬則諡也敬嬴係文妾為宣之生母使  
宣公不以為母魯國不以為夫人則已矣既已為母為夫人  
而立諡則亦何惡于嬴而致有此作者好異徒欲于人名地  
名別出一音近形近之字而不知此一字是諡有不可者按  
諡法甄心動懼曰頃婦人無此諡

陳殺其大夫洩冶九年洩公穀作泄

公孫歸父帥師伐邾取繹十年繹公作蕢

楚子陳侯鄭伯盟于辰陵十一年

辰陵穀作夷陵

辰陵陳地穀改夷陵而范甯註作齊地則與楚鄭陳三國盟會何涉矣穀梁以為辰必楚地如辰陽之辰故以南郡之夷陵別出之范註又誤耳

納公孫寧儀行父于陳十一年寧公作甯

齊師伐莒十三年

公作伐衛

伐莒有前事伐衛則不知何事不可考

晉殺其大夫先穀十三年穀穀作穀

仲孫蔑會齊高固于無婁十五年

無婁公作牟婁

甯母亦作甯無以齊人讀無為牟母總里音也

成周宣榭火十六年榭公穀作謝火公穀作災

成公十五條

王師敗績于茅戎元年茅公穀作貿聲轉

帥師會晉卻克衛孫良夫曹公子首及齊侯戰于鞌二年

首公穀作手公別本又作午

及國佐盟于袁婁二年袁穀作爰

晉卻克衛孫良夫伐廧咎如三年

廧公作將穀作牆

叔孫僑如會晉荀首于穀五年首公作秀



晉欒書帥師救鄭六年

救公作侵

此晉楚爭鄭故前經書楚公子嬰齊帥師伐鄭而後經即書  
晉欒書帥師救之如此而又改救作侵則不特策書大篇俱  
可廢即聖經無前後文矣然則斷爛之說二傳有之宋人不  
足怪也

天子使召伯來錫公命八年

錫別本作賜

此簡書原是錫字惟胡傳本聖經誤作賜字反將左傳本俱  
改作賜而以錫為別出字謬矣按莊元年王使榮叔來錫桓  
公命文元年天子使毛伯來錫公命皆是錫字周制諸侯即

位天子頒以命圭使朝時合瑞謂之錫命此八年始錫故杜氏謂之為緩然其禮則昭然者穀梁胡氏不知禮并不知春秋一曰不正再曰不王總是妄說見文元年傳

冬十月年十

公無此三字

晉侯使卻擘來聘年十一 擘公作州後同

公會晉侯衛侯于瑣澤年十二 瑣澤公作沙澤

曹伯廬卒于師年十三 廬左作盧

晉侯執曹伯歸于京師年十五 公歸下有之字

晉人執季孫行父舍之于荝丘年十六 荝公作招

公孫嬰齊卒于狸脤年十七 脤公作軫穀作蜃

晉侯使士魴來乞師年十八魴公作防後同

襄公三十  
七條

晉韓厥帥師伐鄭仲孫蔑會齊崔杼曹人邾人杞人次于鄆元年

厥公作屈鄆公作合

夫人妣氏薨年四妣公作弋後妣氏卒葬定妣皆同

會吳于善道年五道公穀作稻

公會晉侯宋公衛侯鄭伯曹伯齊世子光救陳年五

曹伯下公穀有莒子邾子滕子薛伯

此楚伐陳而晉會諸侯以救之也方秋會戚時原有莒邾滕

薛四國然已經歸國而遣戍陳矣及冬楚再伐陳而又有是

會則其不必與前會相同可知也不然前會有吳人鄆人而

此亦無之何耶

鄭伯髡頑如會未見諸侯丙戌卒于鄆

七年

頑公穀作原鄆公穀作操

鄭人侵蔡獲蔡公子燮

八年

燮公作濕後同

宋災

九年

災公作火後陳災亦同

據公傳文自言外災不書此何以書則明是災不是火豈經

本又別出耶

遂滅偃陽

十年

偃穀作傅



偏陽地在彭城傅陽縣則傅亦地名之別出者

盜殺鄭公子駢十一年駢公穀作斐

同盟于亳城北

亳公穀作京

京亳皆鄭地不過各出一地耳

楚人執鄭行人良霄十一年良霄穀作良宵

莒人伐我東鄙圍台十二年台穀作郚

夏取邾十三年邾公作詩同音

鄭公孫薑會吳人于向十四年

薑公作囓後鄭伯薑卒亦同

衛侯出奔齊十四年

衛侯下公有衎字

諸侯出奔例書名此簡書闕文公羊補之是也

齊侯伐我北鄙圍成十六年成左作郕同字

邾子貜卒十七年邾公穀作暵

齊侯伐我北鄙圍桃十七年桃公作洮

齊高厚帥師伐我北鄙圍防十七年

左氏無齊字

齊師伐我北鄙十八年齊師穀作齊侯

諸侯盟于祝柯十九年柯公作阿

齊侯環卒十九年環公作瑗

鄭殺其大夫公子嘉十九年嘉公作喜

陳侯之弟黃出奔楚二十黃公穀作光後同

公會晉侯齊侯宋公衛侯鄭伯曹伯莒子邾子薛伯杞伯小邾

子于沙隨二十

邾子下公穀有滕子

邾畀我來奔二十畀我公作鼻我

叔孫豹帥師救晉次于雍榆二十

榆公穀作渝

公孫夏帥師伐陳二十夏公作囁

吳子遏伐楚門于巢卒二十遏公穀作謁

叔孫豹會晉趙武楚屈建蔡公孫歸生衛石惡陳孔魚鄭良霄

許人曹人于宋二十

魚公作瑗後同

衛侯之弟鱣出奔晉

二十七年

鱣穀作專

猶吳專諸之為鱣諸也

仲孫羯會晉荀盈齊高止宋華定衛世叔儀鄭公孫段曹人莒

人滕人薛人小邾人城杞

二十九年

儀公作齊莒人下公穀有邾人

楚子使薳罷來聘

三十一年罷公作頗

宋災宋伯姬卒

三十一年

伯姬上公穀俱無宋字

天王殺其弟佞夫

三十一年佞公作年

聲轉

叔弓如宋葬宋共姬

三十一年

共姬上穀無宋字



昭公四十四條

叔孫豹會晉趙武楚公子圍齊國弱宋向戌衛齊惡陳公子招

蔡公孫歸生鄭罕虎許人曹人于虢元年

弱公作酌齊惡公作石惡罕公作軒號公作漈穀作郭

衛石惡卽石碯之後以上卿屢與盟會前五年衛人討甯氏

之黨因出奔晉經于襄二十八年書夏衛石惡出奔晉是也

公羊但知改地名人名以見異而石惡又屢見盟會遂改作

石惡但不知于數年前之經何以漠然不一觀也吾故曰公

穀胡氏皆全然不知春秋爲何物者非妄語也

晉荀吳帥師敗狄于大鹵元年

大鹵公穀俱作太原

大鹵即太原故左氏策書亦曰敗狄于太原但簡書是大鹵

晉何必又爾

楚子麋卒元年麋公穀作卷

滕子原卒三年原公作泉

遂滅賴四年

厲公穀作厲

厲賴聲轉通字如漢書無賴作無厲可見

仲弓帥師敗莒師于蚡泉五年蚡公作瀆穀作賁

叔孫婁如齊蒞盟七年

婁公作舍聖經時本皆因此致誤今改正

叔孫婁即叔孫昭子叔孫豹之子也春秋策書或稱婁或稱

昭子或稱叔孫氏並不名舍其得名舍者或叔孫武叔之子  
叔孫舒舒舍轉音可以別出然其人不見于春秋惟哀廿六  
年左傳附錄有之此時未能與國事也公羊好作異誤取武  
叔之子作昭子而胡氏聖經則又誤襲公羊本而自元迄今  
遂至簡策二書絕不相對者凡七經亦慘極矣今逐一改正  
真一快事後不再贅

齊欒施來奔

十年

齊公作晉

此齊之欒氏也欒施即公子欒之孫字子旗者與高鮑皆疆  
族稱欒高氏今爲子良同族所逐因而來奔公羊目不見策  
書祇知晉有欒氏齊未必有遂改齊作晉此真罔誕可笑之

甚者說見毛氏傳

季孫意如叔弓仲孫貜帥師伐莒  
年十

意如公作隱如後同

叔孫婁如晉葬晉平公  
年十

婁公作舍聖經時本亦作舍今改正

十有二月甲子宋公成卒  
年十

成公作成後杞伯成卒於會許男成卒皆同

春王二月叔弓如宋葬宋平公  
年十一

二月公作正月

二月葬尙速况正月耶

仲孫貜會邾子盟于祿祥  
年十一 祿祥公作侵羊



孫意如會韓起至于厥楚愍公作屈銀

楚師滅蔡執蔡世子有以歸一有穀作友

楚殺其大夫成熊年熊公作能穀作虎

公子愍出奔衛年愍公作整

宋愍之為銀以聲令為整又以形亦何必然

楚公子比至弑其君于乾谿年谿穀作溪

楚公子棄疾殺公子比年

殺穀作弑

公子比弑君賊且名未列于諸侯烏得稱弑特棄疾非討賊

蔡耳正義謂此殺字如蔡人殺陳陀齊人殺無知衛人殺州吁

公公子瑕之類

公子夷末卒十四年末公作昧

蔡朝吳出奔鄭十五年朝公作昭無出字

楚子誘戎蠻子殺之十六年蠻公作曼後同

晉荀吳帥師滅陸渾之戎十七年公穀無之字

曹公孫會自鄭出奔宋二十一年鄭穀作夢

盜殺衛侯之兄縶二十二年縶公穀作輒諱於劉

宋華亥向寧華定出奔陳二十三年寧公作甯

叔輒卒二十一年輒公作瘞公於魯

蔡侯朱出奔楚二十一年朱穀作東諱於劉

大蒐于昌間二十二年間公作姦諱於劉

叔孫婁如晉二十三年

媯公作舍聖經時本亦作舍今改正

晉人執我行人叔孫媯二十三年

媯公作舍聖經時本亦作舍今改正

吳敗頓胡沈蔡陳許之師于雞父胡子髡沈子逞滅獲陳夏齧

二十三年

父公作甫逞公作楹穀作盈

公如晉至河有疾乃復二十三年公至河下有公字

媯至自晉二十三年

媯公作舍上有叔孫字聖經時本亦然今改正

策書述簡書曰二月媯至自晉則無叔孫字可知也此與十

四年春意如至自晉無季孫字書法正同但不意一傳全不

見策書且全不讀聖經如此

杞伯郁釐卒

二十五年

郁公作鬱

叔孫婁如宋

二十五年

舍聖經時本亦作舍今改正

叔詣會晉趙鞅宋樂大心

至

于黃父

二十五年

公卒

詣公作倪後同大心公穀作世心後同

有鸛鶴來巢

二十五年

鸛公作鶴

己亥公孫于齊次于陽州

二十五年

己亥穀作乙亥陽公作楊

舍今改正

叔孫婁卒

二十五年

婁公作舍聖經時本亦作舍今改正



鄭伯寧卒二十八年寧公作甯後滕子寧卒亦同

季孫意如會晉荀躒于適歷二十一年躒公穀作櫟後同

黑肱以濫來奔二十一年肱公作弓

仲孫何忌會晉韓不信齊高張宋仲幾衛世叔申鄭國參曹人

莒人薛人杞人小邾人于成周二十二年

世叔穀作大叔莒人下公有邾婁人穀有邾人

定公二十一年

二月辛卯邾子穿卒二十二年二月公穀作三月二十五年

仲孫何忌及邾子盟于拔二十三年拔公作枝

蔡公孫姓帥師滅沈二十四年姓公作歸姓後同

公及諸侯盟于臯鼬二十四年臯鼬公作浩油

蔡侯以吳子及楚人戰于柏舉四年

柏舉公作伯莒穀作伯舉同

吳入郢四年郢公穀作楚

春王三月辛亥朔日有食之五年三月公作正月

齊侯衛侯盟于沙七年沙公作沙澤

晉士鞅帥師侵鄭八年士鞅公作趙鞅其人

公會齊侯于夾谷十年夾谷公穀作頰谷後同

齊人來歸鄆謹龜陰田十一年穀田上有之字田中

宋公子地出奔陳十年地公作池後同

齊侯衛侯鄭游速會于安甫十年安甫公作鞏同

宋公之弟辰暨仲佗石彊出奔陳十年

暨字下公穀俱有宋字

公會齊侯盟于黃

十一年

齊侯公作晉侯

魯定與齊景同謀叛晉故為此盟乃又改齊作晉茫然不知

矣

荀寅士吉射入于朝歌以叛

十三年

荀寅下公有及字

衛趙陽出奔宋

十四年

衛公穀俱作晉

趙陽衛大夫趙氏名陽者以其黨于公叔文子之子公叔戌

故衛侯并逐之杜氏謂趙陽即趙厲之孫而正義據世本謂

懿子兼即趙厲生昭子舉舉生趙陽是顯有明據而公穀極

陋祇知晉有趙氏他國未必有遂奮筆改此此與前齊欒施  
來奔改晉欒施同一笑話祇前穀不改而此即同改鷦鷯有

異翼與

二月楚公子結陳公孫佗人帥師滅頓以頓子牂歸十四年二月

公作三月公孫作公子牂作牂

於越敗吳于檣李十四年檣公作醉

檣原有醉音

公會齊侯衛侯于牽十四年牽公作堅又作擊

鄭罕達帥師伐宋十五年罕公作軒

此鄭公子罕後為鄭穆七族之一焉得有別出字

齊侯衛侯次于渠蔭十五年渠蔭公作蘧蔭



哀公

十一

卷一百五十五

饑鼠食郊牛

元年

穀郊牛下有角字

季孫斯叔孫州仇帥師城啟陽

三年

啟公作開

此漢儒避景帝諱而未改復者

春王二月庚戌盜殺蔡侯申

四年

二月公作三月殺公穀作紘

亳社災

四年

亳公作蒲

工濬濬水后濬中濬川李東濬氏

此勝國之社以舊都商亳故名焉得有別出字

春城毗

五年

毗公作比又作比

不公無字

城邾瑕

六年

瑕公作葭

十二 瑕公作葭

齊陳乞弒其君荼

六年

荼公作舍

齊人取謹及闡八年闡公作儼後同

公會衛侯宋皇瑗于鄆十二年鄆公作運

晉魏曼多師師侵衛十三年曼下公無多字

盜殺陳夏區夫十三年區公作驅

工部都水司郎中臨川李秉綬刊

春王三月

公與

公與

公與

公與

皇清經解卷一百五十七終 漢軍生員樊封校

皇清經解一百五十八

春秋屬辭比事記目

卷一

改元

生子

即位  
立君

卷二

盟會

卷三

盟會

侵伐

卷四

侵伐

已後

及開公作

卷四侯宋皇城丁

盟會多師此侵斷

卷三夏既未

盟會  
工部都水司

卷二

傳報

主于  
立雪  
如示  
噴血

卷一

春林讞輸其事蹟目

皇朝錄隱六百五十八七終



皇清經解卷一百五十八

春秋屬辭比事記 皇清 蕭山毛檢討 奇齡 著

經解曰屬辭比事春秋教也夫辭何以屬謂夫史文之散漉者宜合屬也事何以比謂夫史官所載之事畔亂參錯而當爲之比以類也此本夫子以前之春秋而夫子解之如此是以夫子之春秋亦仍以四字爲之解漢儒謂屬合辭合比次戰伐則于作者之意全無統繫而好事者自造爲書例謂辭有褒譏事有功罪皆于書法乎例之書人書爵書名書日並有義例而較之全經而一往不合則于是重疑春秋而春秋不傳昔者孟子解春秋曰其事則事當比也曰其文則其辭當屬合也而在夫子以前晉韓起聘魯見魯史春秋卽嘆曰周禮盡在魯矣則魯史

記事全以周禮爲表志而策書相傳謂之禮經凡其事其文一準乎禮而從而比之屬之雖前後所書偶有同異而義無不同並無書人書爵書名書日之瀆亂乎其間而遍校之十二公二百四十二年之春秋而無往不合則真春秋矣向非屬辭亦安知其文之聯屬如是也書人亦例不書人亦例也書名書爵書日無一非例卽不書名書爵書日亦無一非例也而于以比事則事之相似者而褒譏與功罪見焉卽不相似者而褒譏功罪亦無往不見焉以禮爲志而其事其文以次比屬而其義卽行乎禮與事與文之中謂之四例亦謂之二十二志而總名之曰春秋屬辭比事記夫如是而夫子之春秋庶可見乎予傳春秋成已創發四例而人或不信因復重闡之而分禮門部比屬其

辭事之繫禮者而著之于篇

改元

周禮天子諸侯分國各紀其年以行于國中每遇國君新立則必改年以始之謂之改元

隱公

元年

二十三年冬十二月魯順風改元

此魯隱公元年即周平王之四十九年也隱為惠公子魯史不載惠公死日但以禮推之則商禮踰月改元周禮踰年始改元此必惠公死于周平之四十八年而隱于是改之者若史世家云惠公四十六年卒則此為惠公四十六年之明年然不敢據者傳稱惠公娶宋仲子為魯夫人而世家謂惠奪隱公之妻而自娶之生桓公則于隱年為過長桓年為過幼

其于年月必有與春秋大不合者故寧略之耳

桓公元年

莊公元年

閔公元年

僖公元年

文公元年

僖以三十三年冬十二月薨則距此裁一月然終是踰年與

商禮踰月不同

宣公元年

成公元年

襄公元年



昭

元年順父癸子刺曰亂賊

定

元年室晉耳益故

定公以是年六月卽位是六月以前宜書昭三十三年經于

春王三月卽書元年者商禮兩君共一年周禮不然以一年

不可有二君也

哀

元年文皆以去晉晉

卽位

于為元朝

卽位有二商禮遭先君之喪卽于次月改元次月卽位而其

禮已畢周禮不然凡遭喪時必先受命于殯行奠殯之禮故

天子十日而殯卽十日卽位書康王之誥乙丑王崩越癸酉

而入卽位凡十日是也諸侯五日而殯卽五日卽位魯史昭

皇清系角 卷三十八  
公癸亥喪歸至戊辰而入卽位凡五日是也此遭喪卽位禮也至明年改元則于朝正後仍鄭重而行卽位之禮而于是史書卽位于改元之後此改元卽位禮也春秋十二公卽位皆從改元後書之其有不書者必于弑逆之後但遭喪卽位而于改元時不忍又行卽位禮則不書如莊閔僖三君皆無卽位文者以先君皆被弑故也此周禮也

隱元年春王正月

此不書卽位者以攝位也周禮天子諸侯有始娶再娶之禮始娶名元如名始適夫人再娶名又娶夫人若繼室則媵妾之當室者耳蓋始娶無子則再娶衛莊公始娶于齊曰莊姜無子則又娶于陳曰厲嬀及厲嬀生孝伯早死則又以厲嬀

之娣戴嬀所生子完立爲桓公雖前此媵妾之子實長于完如州吁者而皆不得立何則以再娶者夫人也若始娶者或卑微或不成禮則亦可再娶魯莊公始娶孟任已爲夫人矣後以其卑微且以築臺于黨氏而私娶之不必成禮故又娶于齊曰哀姜及哀姜無子則仍以孟任之子般立爲適子雖哀姜有娣叔姜已生閔公卽前此媵妾之子成風又早生僖公而皆不得立何則以始娶者夫人也此周禮也今隱公爲繼室聲子所生子而惠公再娶仲子實爲夫人則其立桓公爲適而隱公居攝於禮實然或曰此春秋之禮何以必知爲周禮曰若非周禮則莊姜知禮者豈甘以身在而令其再娶且是時州吁已長不患無公子也又况子般之立成季主之

皇清經解 卷一百五十六  
甚至酖叔牙縊仲慶父手殺二兄而歷春秋十二公二百四十二年而未嘗以爲過何則禮在故也故曰此周禮非春秋禮也

桓元年春王正月公卽位

隱被弑桓不宜行卽位禮然而桓諱弑逆名則故行之行則史官必有書此史例也讀者當因書而驗其惡此義也

莊元年春王正月

不書卽位以先君被弑不忍行卽位禮也

閔元年春王正月

上同

僖元年春王正月



上同

文元年春王正月公卽位

文遭喪卽位在冬十二月至改元未一月而又卽位禮在故也且周禮諸侯五月而葬此時僖尙未葬也僖未葬而卽稱公以踰年改元當稱公耳諸傳謂未葬稱子旣葬稱公此造爲周禮者春秋不然

宣元年春王正月公卽位

東門襄仲殺適子惡與視而立宣公則亦承弑者而仍書卽位宣不以殺惡爲弑故也此與桓行卽位禮同

成元年春王正月公卽位

襄元年春王正月公卽位

昭元年春王正月公卽位

定元年夏六月癸亥公之喪至自乾侯戊辰公卽位定承昭喪  
逾六月非遭喪卽位者然六月卽位又非踰年改元卽位者  
此以昭喪歸魯之日作遭喪之日故自癸亥喪歸至戊辰卽  
位與奠殯受命禮同但祇行遭喪禮而改元卽位全不及行  
非好反商禮也時爲之也

哀元年春王正月公卽位

生子

禮太子生必書然必初生時有接子之禮內則云國君世子  
接以太牢謂以太牢接夫人行饗后之禮然後書策此周禮  
也

桓六年九月子同生

春秋生子禮惟此一書者以十二公皆非夫人所出獨文公哀姜以夫人生惡而是時未得行接子之禮卽不書故此傳云以太子生之禮舉之接以太牢卜士負之士妻食之公與文姜宗婦命之因名同杜預所謂以其備用太子之禮故史書于策是也

立君

周有立儲禮傳每言之如立適以長立子以貴年鈞以義義鈞以下類而經統不及然禮固有是也

隱四年冬十有二月衛人立晉

此經之紀立君者時衛州吁弑桓公石碏同國人殺州吁且

皇清系角 卷一百五十八  
六  
迎桓公之弟公子晉于邢而立之故有此文與常時立君禮  
不同

朝聘

朝聘會盟在三禮並無明文惟傳有歲聘間朝與再朝而會  
再會而盟語大率每年一聘三年一朝六年一會十二年一  
盟與尚書周官六年會朝十二年又會朝年數頗合若諸侯  
相朝禮則全無可考傳謂諸侯五年再相朝則似過密李氏  
周官經謂諸侯世相朝則又過疎若晉自定制謂三年一聘  
五年一朝有事而會不協而盟則朝聘較疎而盟會反密皆  
與周禮不必合且晉雖改制強齊魯共遵而當時朝聘會盟  
其期與年數並不相準則春秋禮也惟歲聘諸語是周禮他



總非是也

朝

朝周僖二十八年夏公朝于王所

此朝襄王也春秋二百四十二年僅見僖公此朝然又赴晉文踐土之會而王來踐土故卽于行在朝之日朝于王所然則仍未朝京師矣

冬壬申公朝于王所

此又朝于河陽者然總在是年一時一事非再赴朝也

成十三年春三月公如京師

此成公朝簡王也成以赴晉文之召過周因而朝之此何朝乎如之而已

朝成十有八年春公如晉

諸侯相朝禮大抵小國朝大國耳故大國君新立則小國朝  
新君小國君新立則新君朝大國時晉悼新立成公以朝新  
君如晉其不書朝而書如者史例也夫以齊桓之伯莊僖每  
如齊而未嘗一朝以齊晉魯衛本敵國也至此則齊魯皆屬  
國矣故曰春秋自文宣以後多志晉惡非虛語也

襄三年春公如晉

此襄公以新立朝晉悼公也

八年春王正月公如晉

此朝晉聽晉頒屬國朝聘貢賦之數也

昭五年春公如晉

此昭以新立朝晉平公也前二年往朝以兼弔晉少姜而晉  
辭之故再往焉

十二年夏公如晉至河乃復

昭以晉昭公新立往朝而晉受莒愬怒而辭之

十三年冬公如晉至河乃復

晉以莒愬故執季孫意如公往朝請之仍不得入

十五年冬公如晉

朝晉昭新立兼  
謝釋季孫也

二十一年公如晉至河乃復

晉頃公新立故往朝而晉又辭之

二十三年冬公如晉至河有疾乃復

晉以邾愬故執我行人叔孫舍公往朝兼請而仍不得入因

託疾以歸經書有疾者諱辱也

朝襄二十八年冬十有一月公如楚

楚與晉爭伯而宋公為向之盟以平之至是諸國各朝晉楚以成其事經不書朝晉而獨書朝楚者以朝楚而楚康王卒公畱楚送葬踰年不歸遂不能諱辱故也

來隱十一年春滕侯薛侯來朝

桓二年春王正月滕子來朝前稱侯此稱子為時王所降也

秋七月杞侯來朝

公穀以杞為紀而宋程氏胡氏皆遵之謂齊欲滅紀而紀侯求魯為之主故來朝則齊之謀紀始于五年齊侯鄭伯如紀之經而後至六年而公會紀侯紀侯來朝經屢書之此時並



無齊謀也公穀胡氏之誤全不顧經子傳中已屢及之茲傳所略者而偶檢其誤因復書此

六年冬紀侯來朝

七年夏穀伯綏來朝鄧侯吾離來朝

穀鄧皆近楚小國名綏與吾離則兩君名也諸侯來朝無書名者此以附庸例名之胡氏謂貶其朝桓則莊之邠黎來來朝蕭叔來朝爲不可通矣

九年冬曹伯使其世子射姑來朝

十五年夏四月邾人牟人葛人來朝

經例諸侯之卿稱名大夫稱人附庸之君與諸侯卿等可稱名則附庸之卿當稱人此必遣卿來朝耳

莊五年秋鄆黎來朝鄆國黎來名

二十三年夏蕭叔朝公蕭國叔字小國例可字可名

不書來朝而書朝公以公在齊而叔就朝之故也

二十七年冬杞伯來朝

僖五年春杞伯姬來朝其子帥其子來朝也

七年夏小邾子來朝即鄆黎來也初封小邾子故修新君來朝禮

十四年夏六月季姬及鄆子遇于防使鄆子來朝使其夫來朝也

二十年夏鄆子來朝

二十七年春杞子來朝前稱伯此稱子為時王所降也

文十一年秋曹伯來朝

十二年春杞伯來朝又為時王所進也

秋滕子來朝

十五年夏曹伯來朝

宣元年秋邾子來朝

成四年三月杞伯來朝

六年夏六月邾子來朝

七年夏五月曹伯來朝

十八年秋杞伯來朝

八月邾子來朝

襄元年秋邾子來朝

六年秋滕子來朝

七年春邾子來朝

夏小邾子來朝

二十二年冬曹伯來朝

二十八年夏邾子來朝

昭三年秋小邾子來朝

十七年春小邾子來朝

秋邾子來朝

定十五年春邾子來朝

哀二年夏四月滕子來朝

聘

聘僖三十年冬公子遂如京師遂如晉時襄王來聘而戎報之

文元年夏叔孫得臣如京師襄王錫文公命故報之



宣九年夏仲孫蔑如京師定王來召聘始應之

襄二十四年冬叔孫豹如京師靈王新城王城魯往聘且賀城焉

聘齊僖七年秋公子友如齊聘齊桓公

十三年冬公子友如齊聘齊桓公

二十八年秋公子遂如齊齊昭公新立

文元年冬公孫敖如齊

十八年秋公子遂叔孫得臣如齊齊惠公新立

時我文公薨而齊惠以新立來會葬故兩卿並行一聘新君

一謝會葬也

宣十年秋季孫行父如齊齊頃公新立

成十一年秋叔孫僑如如齊齊靈公新立

襄二十一年秋叔老如齊齊莊公新立

叔老宣公母弟叔肸之孫叔氏而老名者周禮使聘用上卿

此以宣弟大宗之後世為宗卿而行使者猶桓弟季友為季

氏僖弟仲遂為仲氏此以宣弟叔肸為叔氏也

昭九年秋仲孫羯如齊殷聘也

聘晉僖三十六年冬公子遂如京師遂如晉聘晉文公

文五年夏公孫敖如晉聘晉襄公

六年秋季孫行父如晉

宣十八年秋公孫歸父如晉聘晉景公并謀去三桓也

成六年夏公孫嬰齊如晉

冬季孫行父如晉

十一年夏季孫行父如晉

報聘

襄二十四年春叔孫弱如晉

報聘

二十九年冬仲孫羯如晉

報聘

昭二年夏叔弓如晉

報聘

叔弓叔老之子

八年夏叔弓如晉

定六年夏季孫斯仲孫何忌如晉

二卿並行一獻鄭倅一報聘也

聘列國莊二十五年冬公子友如陳

報聘

僖五年夏公孫茲如牟

公孫茲者卽叔孫戴伯叔牙之子也因自娶牟國女故假聘

以往焉

文六年夏季孫行父如陳

十一年秋公子遂如宋

成五年春仲孫蔑如宋

成八年春公孫嬰齊如莒

襄二年秋叔孫豹如宋

六年冬叔孫豹如邾

七年季孫宿如衛

二十年冬季孫宿如宋

昭六年冬叔弓如楚

二十五年春叔孫舍如宋

周來 隱七年冬天王使凡伯來聘



九年春天王使南季來聘

周禮天子有下聘諸國之禮此與上凡伯來聘皆桓王聘我者其凡伯稱爵南季稱字且或稱名以王國卿以上出使稱爵大夫稱字士稱名不同

桓四年夏天王使宰渠伯糾來聘

宰其官渠其氏伯糾其名書例之不拘如此

五年夏天王使仍叔之子來聘

天子大夫稱字故仍氏叔字之子者子代父行也

八年春天王使家父來聘

家氏父字

莊二十三年春祭叔來聘

祭邑叔字天子內臣也其不言天子使者史略文有此如王

人身補錄 卷之五十一  
人子突救衛類

僖三十年冬天王使宰周公來聘

此宰太宰本食邑于周而為三公者故稱爵不名

宣十年秋天王使王季子來聘

王季子王之季子即劉康公也

齊來聘 隱七年夏齊侯使其弟年來聘

此齊僖公使聘也年者僖之母弟為僖父齊莊公之大宗此亦宗卿使聘者而不書氏以初立莊族此時未有氏也且史例有單書其名者不惟不稱氏并不稱公子書法如此

僖三十三年春齊侯使國歸父來聘

報聘也國氏歸父名

宣十年冬齊侯使國佐來聘

襄二十有七年春齊侯使慶封來聘齊景公新立

晉來聘成三年冬十二月晉侯使荀庚來聘

晉景公恐魯貳楚故來聘且尋盟焉見盟部

八年冬晉侯使士燮來聘謀伐鄭也

十一年春晉侯使卻擘來聘

十八年夏晉侯使士匄來聘晉悼公新立謝魯朝也

禮國君新立小國朝之大國聘焉

襄元年冬晉侯使荀罃來聘

八年冬晉侯使士匄來聘報朝也

十二年夏晉侯使士魴來聘

二十六年夏晉侯使荀吳來聘晉平召襄公也

是青經解 卷二百五十六 毛檢討春秋屬辭比事記

二十九年夏晉侯使士鞅來聘

魯昭公也

昭二年春晉侯使韓起來聘

魯昭公新立

二十六年夏晉侯使士鞅來聘

魯頃公新立

列國來聘 莊二十三年荆人來聘

人者大夫也

本國聘之六國觀焉

二十五年春陳侯使女叔來聘

女氏也叔字蘇立

卿可字可名

蘇氏之母弟為信文齊公之大夫

文四年秋衛侯使甯俞來聘

初立莊族此時未有氏也

九年冬楚子使椒來聘

楚子椒自無盟誓其盟誓法如此

子越椒不稱氏書例有此

楚子椒自無盟誓其盟誓法如此

十二年秋秦伯使術來聘

秦術也



術卽西乞術亦不書氏

成三年冬十有二月衛侯使孫良夫來聘

四年春宋公使華元來聘宋共公新立

襄元年冬衛侯使公孫剽來聘

五年夏鄭伯使公子發來聘鄭僖公新立

七年冬十月衛侯使孫林父來聘

十五年春宋公使向戌來聘報聘

二十九年夏吳子使札來聘

吳季札也不書氏

三十年春楚子使薳罷來聘邾敖新立

昭十二年夏宋公使華定來聘宋元公新立

歸賑

定十四年秋天王使石尙來歸賑

石氏尙名

周禮大宗伯以賑膳親兄弟之國卽歸賑也

錫命

周禮諸侯死王有錫命卽追命也新君立王有錫命卽錫瑞

之命也此周莊王錫桓公命是追命襄王錫文公命簡王錫

成公命俱是瑞命不同

莊元年冬王使榮叔來錫桓公命

榮氏叔字

天王失天字史闕文也

文元年夏天王使毛伯來錫公命

毛國伯爵

成八年秋七月天子使召伯來錫公命

召國伯爵

天王稱天子史變文也

皇清經解卷一百五十八終

漢軍生員樊封校

皇清經解

卷一百五十八

毛檢討春秋屬辭比事記

七

一、  
二、  
三、  
四、  
五、  
六、  
七、  
八、  
九、  
十、  
十一、  
十二、  
十三、  
十四、  
十五、  
十六、  
十七、  
十八、  
十九、  
二十、

二十一、  
二十二、  
二十三、  
二十四、  
二十五、  
二十六、  
二十七、  
二十八、  
二十九、  
三十、  
三十一、  
三十二、  
三十三、  
三十四、  
三十五、  
三十六、  
三十七、  
三十八、  
三十九、  
四十、

四十一、  
四十二、  
四十三、  
四十四、  
四十五、  
四十六、  
四十七、  
四十八、  
四十九、  
五十、  
五十一、  
五十二、  
五十三、  
五十四、  
五十五、  
五十六、  
五十七、  
五十八、  
五十九、  
六十、

六十一、  
六十二、  
六十三、  
六十四、  
六十五、  
六十六、  
六十七、  
六十八、  
六十九、  
七十、  
七十一、  
七十二、  
七十三、  
七十四、  
七十五、  
七十六、  
七十七、  
七十八、  
七十九、  
八十、

八十一、  
八十二、  
八十三、  
八十四、  
八十五、  
八十六、  
八十七、  
八十八、  
八十九、  
九十、  
九十一、  
九十二、  
九十三、  
九十四、  
九十五、  
九十六、  
九十七、  
九十八、  
九十九、  
一百、

一百零一、  
一百零二、  
一百零三、  
一百零四、  
一百零五、  
一百零六、  
一百零七、  
一百零八、  
一百零九、  
一百一十、  
一百一十一、  
一百一十二、  
一百一十三、  
一百一十四、  
一百一十五、  
一百一十六、  
一百一十七、  
一百一十八、  
一百一十九、  
一百二十、

一百二十一、  
一百二十二、  
一百二十三、  
一百二十四、  
一百二十五、  
一百二十六、  
一百二十七、  
一百二十八、  
一百二十九、  
一百三十、  
一百三十一、  
一百三十二、  
一百三十三、  
一百三十四、  
一百三十五、  
一百三十六、  
一百三十七、  
一百三十八、  
一百三十九、  
一百四十、

一百四十一、  
一百四十二、  
一百四十三、  
一百四十四、  
一百四十五、  
一百四十六、  
一百四十七、  
一百四十八、  
一百四十九、  
一百五十、  
一百五十一、  
一百五十二、  
一百五十三、  
一百五十四、  
一百五十五、  
一百五十六、  
一百五十七、  
一百五十八、  
一百五十九、  
一百六十、

一百六十一、  
一百六十二、  
一百六十三、  
一百六十四、  
一百六十五、  
一百六十六、  
一百六十七、  
一百六十八、  
一百六十九、  
一百七十、  
一百七十一、  
一百七十二、  
一百七十三、  
一百七十四、  
一百七十五、  
一百七十六、  
一百七十七、  
一百七十八、  
一百七十九、  
一百八十、

一百八十一、  
一百八十二、  
一百八十三、  
一百八十四、  
一百八十五、  
一百八十六、  
一百八十七、  
一百八十八、  
一百八十九、  
一百九十、  
一百九十一、  
一百九十二、  
一百九十三、  
一百九十四、  
一百九十五、  
一百九十六、  
一百九十七、  
一百九十八、  
一百九十九、  
二百、



皇清經解卷一百五十九

學海堂

春秋屬辭比事記

蕭山毛檢討奇齡著

會盟

會盟禮見朝聘門第分合不同必設多部以析之舊例有殊會兼會殊盟特盟參盟諸名以皆非經文所有故不立部按經文所有惟來盟蒞盟同盟不盟類可依立部名其兼會一部雖經文所有如會盟會成會侵會伐會救會次會戰會城會葬類然各有本部其所重在本部之侵伐戰救而不在此一會則仍歸本部爲至當矣若遇與胥命與平與成則皆盟會之別名雖儀有增減而禮無同異故平成多在戰伐之後而仍隸盟會門與會盟會伐諸兼會禮不同

會

隱二年春公會戎於潛

戎徐戎也

古夷狄雜處中國如西南之獠獠然自秦始盡毆之塞外而築長城以截之夫然後中國夷狄永有分別其在秦郡縣之外凡漢武所開之土未經毆逐者則諸夷尚存今之西南獠獠所稱土官土民皆是也春秋開卷即與戎盟此亦不得已而以與國禮相待故然胡氏誤以楚為夷狄而攘之夫蠻夷猾夏所在都有徒攘荆楚無為也况荆楚本先王所封國實五等諸侯非夷狄也魯詩曰戎狄是膺荆舒是懲戎狄指淮夷徐戎非荆舒也

九年冬公會齊侯于防

十年春王正月公會齊侯鄭伯于申丘

二會俱奉桓王命討宋殤公也

十一年夏公會鄭伯于時來

謀伐許也

桓元年春三月公會鄭伯于垂

謀易許田也

二年秋蔡侯鄭伯會于鄧

三年春正月公會齊侯于嬴

齊僖公

春王失王字闕文

六月公會杞侯于郕

六年夏四月公會紀侯于郕

謀齊難也

十年秋公會衛侯于桃丘弗遇

齊鄭邀衛師伐魯魯求成于衛而衛絕之

皇清經解 卷一百五十九  
二十  
十一年秋公會宋公于夫鐘

冬十有二月公會宋公于闕

十二年秋公會宋公于虛

冬十有一月公會宋公于龜

已上四會宋策書未詳說見毛氏傳中

十四年春正月公會鄭伯于曹

春王失王字闕文後倣此

十五年夏公會齊侯于艾齊襄公

十六年春正月公會宋公蔡侯衛侯于曹謀伐鄭也

十八年春王正月公會齊侯于濼公與夫人姜氏遂如齊齊侯襄公

夫人文姜也



莊二年冬十有二月夫人姜氏會齊侯于禚

七年春夫人姜氏會齊侯于防

冬夫人姜氏會齊侯于穀

十三年春齊侯宋人陳人蔡人邾人會于北杏

此齊桓始會平宋亂也桓親至會而列國以大夫至故齊稱

侯而列國稱人

十四年冬單伯會齊侯宋公衛侯鄭伯于郵

單伯周大夫

齊桓假王命伐宋宋服故有此會後同

十五年齊侯宋公陳侯鄭伯會于郵

二十七年春公會杞伯姬于洮

杞成公夫人莊公之女以事見公而未及歸寧之期故不入

國而會公于境禮也

冬公會齊侯于城濮

周惠王新立遇王子頹之亂衛師與燕師助之伐王而齊桓不能正討至王請伐衛然後會城濮以謀之伯主之無道如此

僖元年八月公會齊侯宋公鄭伯曹伯邾人于榿

三年秋齊侯宋公江人黃人會于陽穀

齊桓謀伐楚也

五年夏公及齊侯宋公陳侯衛侯鄭伯許男曹伯會王世子于

首止

此王世子即襄王也惠王將廢王世子而立王子帶故會之

以定其位

九年夏公會宰周公齊侯宋子衛侯鄭伯許男曹伯于葵丘

定王

位也

十一年夏公及夫人姜氏會齊侯于陽穀

此僖公夫人會齊桓也策書未詳其事

十三年夏公會齊侯宋公陳侯衛侯鄭伯許男曹伯于鹹

以淮夷病

杞故也

十六年冬十有二月公會齊侯宋公陳侯衛侯鄭伯許男邢侯

曹伯于淮

謀保鄆且東略也

十七年秋夫人姜氏會齊侯于卞

齊桓以僖公滅項之故乘其會淮而執之不令歸僖夫人本

桓女會而請之然後公得至自會推此則前此陽穀之會亦

必有他故而史亡之矣

二十八年冬公會晉侯齊侯宋公蔡侯鄭伯陳子莒子邾子秦人于濫

此晉文與伯討不服也秦人者秦大夫也

文元年秋公孫敖會晉侯于戚

十一年夏叔仲彭生會晉卻缺于承筐

晉靈謀諸侯之從楚者

十三年冬公如晉衛侯會公于沓

請平于晉也

十有二月公還自晉鄭伯會公于棗

請平于晉也

十七年六月諸侯會于扈

晉平宋亂無功

宣元年公會齊侯于平州

東門襄仲請于齊以立宣公故會齊固其位也



七年冬公會晉侯宋公衛侯鄭伯曹伯于黑壤

九年秋晉侯宋公衛侯鄭伯曹伯會于扈

十一年秋晉侯會狄于攢函

十三年晉景求成于狄而狄服之因就狄與會焉

十四年公孫歸父會齊侯于穀

十五年春公孫歸父會楚子于宋

楚子圍宋而我往會之

秋仲孫蔑會齊高固于無婁

成二年冬十有一月公會楚公子嬰齊于蜀

五年夏叔孫僑如會荀首于穀

荀首如齊逆女而僑如往會申饋禮也

十二年夏公會晉侯衛侯于瑱澤

十五年冬十有一月叔孫僑如會晉士燮齊高無咎宋華元衛

孫林父鄭公子鮪邾人會吳于鍾離始通吳也

十六年秋公會晉侯齊侯衛侯宋華元邾人于沙隨不見公

晉召師于魯以伐鄭因公遲至遂怒而絕之例大夫稱人若

邾鄆小國則皆卿而降一等比大國之大夫故亦稱人他倣

此

襄元年秋七月仲孫蔑會晉荀罃宋華元衛孫林父曹人邾人

于戚為晉謀伐鄭也

五年夏仲孫蔑衛孫林父會吳于善道晉使往會也

秋公會晉侯宋公陳侯衛侯鄭伯曹伯莒子邾子滕子薛伯齊

世子光吳人鄆人于戚

此晉與吳會也時吳以大夫至故稱人

七年冬十有二月公會晉侯宋公陳侯衛侯曹伯莒子邾子于

鄆

八年夏季孫宿會晉侯鄭伯齊人宋人衛人邾人于邢丘

此晉定朝

聘之數頒諸侯也

十年春公會晉侯宋公衛侯曹伯莒子邾子滕子薛伯杞伯小

邾子齊世子光會吳于柤

謀病楚也後同

十四年春王正月季孫宿叔老會晉士匄齊人宋人衛人鄭公

孫薑曹人莒人邾人滕人薛人杞人小邾人會吳于向

冬季孫宿會晉士匄宋華閱衛孫林父鄭公孫薑莒人邾人于

戚

十九年叔孫豹會晉士匄于柯

二十一年公會晉侯齊侯宋公衛侯鄭伯曹伯莒子邾子于商

任為晉錮  
欒氏也

二十二年冬公會晉侯齊侯宋公衛侯鄭伯曹伯莒子邾子薛

伯杞伯小邾子于沙隨復錮欒氏也

二十四年秋公會晉侯宋公衛侯鄭伯曹伯莒子邾子滕子薛

伯小邾子于夷儀晉謀伐齊也

二十五年夏公會晉侯宋公衛侯鄭伯曹伯莒子邾子滕子薛

伯小邾子于夷儀復謀伐齊也

晉悼行伯動輒召十三國諸侯大夫日夕奔命而晉平效之

諸國荼毒已極矣此會盟將變之候也



二十六年夏公會晉人鄭良霄宋人曹人于澶淵

二十七年夏叔孫豹會晉趙武楚屈建蔡公孫歸生衛石惡陳

孔奐鄭良霄許人曹人于宋

此宋向戌合諸國大夫調和晉楚以息兵爭之會也

昭元年春叔孫豹會晉趙武楚公子圍齊國弱宋向戌衛齊惡

陳公子招蔡公孫歸生鄭罕虎許人曹人于虢

尋宋之會也

四年夏楚子蔡侯陳侯鄭伯許男徐子滕子頓子胡子沈子小

邾子宋世子佐淮夷會于申

楚靈王篡弑後思固位也

九年春叔弓會楚子于陳

十一年秋季孫意如會晉韓起齊國弱宋華亥衛北宮佗鄭罕

虎曹人杞人于厥慙 謀救蔡不得也

十三年秋公會劉子晉侯齊侯宋公衛侯鄭伯曹伯莒子邾子

滕子薛伯杞伯小邾子于平丘

晉成虎祁宮諸侯朝而歸者多二心乃用叔向謀召會諸侯

而假兵力以脅之

二十五年夏叔詣會晉趙鞅宋樂大心衛北宮喜鄭游吉曹人

邾人滕人薛人小邾人于黃父

二十七年秋晉士鞅宋欒祁犁衛北宮喜曹人邾人滕人會于

扈 會成周且謀納昭公也

三十一年春季孫意如會晉荀躒于適歷 謀納昭公也

定八年公會晉師于瓦 齊伐我而晉來救故迎會之

十年夏公會齊侯于夾谷

冬齊侯衛侯鄭游速會于安甫

十四年公會齊侯衛侯于牽謀救范中行氏也

秋齊侯宋公會于洮同上大夫

邾子來會公

因蒐比蒲而會于蒐所故稱會以不行朝禮也

哀六年夏叔還會吳于祖吳召會也

七年夏公會吳于鄆

十二年夏公會吳于橐臯

秋公會衛侯宋皇瑗于鄆

十三年夏公會晉侯及吳子于黃池

或稱吳或稱吳子史例如此如於越敗吳于檣李吳子及楚人戰于柏舉類

盟

隱元年三月公及邾儀父盟于蔑

凡會盟侵伐不必魯為政皆首魯公以此為魯史也即或但書及而不書公亦公及也若邾子書名則以附庸君與天子上士可名可字例同

九月及宋人盟于宿

宋大夫稱人

二年秋八月庚辰公及戎盟于唐

月日有書有不書史例如此

冬紀子伯莒子盟于向

子伯紀大夫字



三年冬十有二月齊侯鄭伯盟于石門

此似謀紀而豫會者然策書不詳其事

八年秋七月庚午宋公齊侯衛侯盟于瓦屋

平鄭也

九月辛卯公及莒人盟于浮來

桓元年夏四月丁未公及鄭伯盟于越

易許田也

二年秋公及戎盟于唐

十有一年春正月齊人衛人鄭人盟于惡曹

三國伐我後重爲此盟

莊九年春公及齊大夫盟于蕮

此迎公子糾者

十九年秋公子結媵陳人之婦于鄆遂及齊公宋公盟

齊宋謀伐魯公子結以使媵聞而專盟故特書之

二十二年秋七月丙申及齊高傒盟于防齊桓修好于魯也

閔元年秋八月公及齊侯盟于落姑齊公宋公盟

僖二年秋九月齊侯宋公江人黃人盟于貫

二十二年秋八月諸侯盟于首止

此齊桓以王世子會諸侯而重為此盟者然不及王世子者以諸侯不敢與世子盟也按周禮天子十二年巡狩與諸侯盟于方岳之下則天子尚盟何況世子但周禮今時已亡漢儒皆依文立說並鮮考據如此必王世子原不與盟故不書及非謂王世子不可盟也

九年秋九月戊辰諸侯盟于葵丘

十九年夏六月宋公曹人邾人盟于曹南宋襄公思起伯也

二十年秋齊人狄人盟于邢謀衛難也

二十一年春宋人齊人楚人盟于鹿上

三十二年秋衛人及狄盟狄請平也

文二年三月己巳及晉處父盟

晉襄初立以魯不朝來討公如晉晉使陽處父盟公以恥之

處父不書字史例如此

三年冬十有二月己巳公及晉侯盟改盟也

十年秋及蘇子盟于女栗蘇子王官也時頃王新立

十三年十有二月己丑公及晉侯盟

十五年冬十有一月諸侯盟于扈

此晉宋會八國謀伐齊者其不書諸國名者以公不與會不

能通也

十六年夏六月戊辰公子遂及齊侯盟于鄆丘

十七年夏六月癸未公及齊侯盟于穀

齊侯親伐我也

宣十一年夏楚子陳侯鄭伯盟于辰陵

成元年夏臧孫許及晉侯盟于赤棘

謀齊難也

二年秋七月齊侯使國佐如師己酉及國佐盟于袁婁

時鞏之戰魯大夫帥師同晉衛曹三國大夫與齊侯戰齊敗

文而行成故與盟焉

十有一月丙申公及楚人秦人宋人陳人衛人鄭人齊人曹人

邾人薛人鄫人盟于蜀

時楚侵魯故盟蜀以平之

三年冬十二月丙午及荀庚盟丁未及孫良夫盟



此晉衛二卿來聘而與之盟者恐二楚也

十一年三月己丑及郤犇盟

此亦來聘與盟者

十六年十有二月乙丑季孫行父及晉郤犇盟于扈

襄三年夏四月壬戌公及晉侯盟于長檇

七年冬十月壬戌及孫林父盟

此亦來聘與盟者

十五年春二月己亥及向戌盟于劉

此亦宋來聘而與盟者然他皆不地而此書地以他盟于國

而此獨盟于城外邑也

十九年春王正月諸侯盟于祝柯

此我與晉同圍齊之諸侯也

二十七年秋七月辛巳豹及諸侯之大夫盟于宋

此平晉楚爭也

定元年冬仲孫何忌及邾子盟于拔

四年五月公及諸侯盟于臯馳

晉定借王人及諸國之師會召陵侵楚而重為是盟與僖五

年諸侯會首止九年諸侯會葵丘例同

七年秋齊侯鄭伯盟于鹹

齊侯衛侯盟于沙

晉伯衰諸侯自相盟如此

八年冬衛侯鄭伯盟于曲濮

哀二年春王二月癸巳叔孫州仇仲孫何忌及邾子盟于句繹

同盟

同盟者眾共為之雖一國為政而為眾國所共成則曰同盟

梁謂同者眾所同欲而為釋例者遵之則同盟雜澤顯有齊  
侯不欲盟而盟于郟水之外卽晉欲媚吳遣荀會迎吳子于  
淮上而吳子仍不來至平丘同盟則諸侯皆貳晉晉用叔向  
謀大出兵力脅王官并十三國諸侯而強使之盟然且有我  
公之不與盟者何同欲也若左氏曰同尊周室則凡同盟者  
皆晉挾諸國以與楚爭諸小國並未嘗尊周也三傳皆不知  
此事而以臆釋經誤矣

宣二十二年冬晉人衛人曹人同盟于清丘

晉要宋服也

成七年八月戊辰同盟于馬陵

晉與楚爭鄭也

十七年六月乙酉同盟于柯陵

晉伐鄭也

襄十一年秋七月己未同盟于亳城北

晉伐鄭也

已上無諸國諸侯字者承前文也

二十五年秋八月己巳諸侯同盟于重丘 晉伐齊也

亦承前文後倣此

昭十三年八月甲戌同盟于平丘 晉魯諸侯服已也

此傳而以鄭對登時矣

晉晉齊諸國思與楚爭許小國並未嘗真與也三國皆不

公亦不與盟晉何同齊出奔至九月同盟魯空與凡同盟

斯大出與伐晉至晉共十三國皆對而無與之盟然且皆

與土而與子不來至平丘同盟順齊對晉齊晉魯與對

對不與盟而盟于涸水之次則晉魯與與對會也與子

皇清經解卷一百五十九終 漢軍生員樊封校



皇清經解卷一百六十

學海堂

春秋屬辭比事記

蕭山毛檢討

奇齋著

會盟會而後

隱六年夏五月辛酉公會齊侯盟于艾

桓十二年夏六月壬寅公會杞侯莒子盟于曲池

秋七月丁亥公會宋公燕人盟于穀上

冬十一月丙戌公會鄭伯盟于武父

十七年春正月公會齊侯紀侯盟于黃

齊將謀紀而魯成之

二月丙午公會邾儀父盟于推

莊十三年冬公會齊侯盟于柯盟齊桓也

二十三年十有二月甲寅公會齊侯盟于扈

僖七年秋七月公會齊侯宋公陳世子欵鄭世子華盟于甯母

八年春王正月公會王人齊侯宋公衛侯許男曹伯陳世子欵

盟于洮春五月公會齊侯許男曹伯陳世子欵

齊桓定襄王位也

十五年三月公會齊侯宋公陳侯鄭伯許男曹伯盟于牡上楚伐

徐王謀殺之

十九年夏四月鄆子會盟于邾

宋襄思起伯召曹伯邾子會于曹南而曹伯邾子皆不至但

使大夫赴會經書宋公曹人邾人盟于曹南是也是時急召

鄆子鄆子追宋襄及邾而不及會矣宋襄乃使邾子殺鄆子

作犧牲祭祀而然後伐曹故此變書會盟言來赴會與盟而不知盟而後會抑會而後盟也此志宋惡也

冬會陳人蔡人楚人鄭人盟于齊

此僖公與諸國召楚子以謀伐宋也鄆子魯壻故魯先之然

亦宋襄無道故諸國合謀如此

二十一年十有二月癸丑公會諸侯盟于薄釋宋公

時楚以諸侯之師伐宋執宋襄而後為會以釋之

二十五年冬十有二月癸亥公會衛子莒慶盟于洮

衛成為我平莒也

二十六年春王正月己未公會莒子衛甯速盟于向

尋洮盟也

二十七年十有二月甲戌公會諸侯盟于宋

楚會諸侯伐宋而公往會之

二十八年五月癸丑公會晉侯齊侯宋公蔡侯鄭伯衛子莒子盟于踐土十有二年之民事也公會謂非盟于宋

此晉文奉襄王以會諸侯也晉子高宣盟于踐土

二十九年夏六月會王人晉人宋人齊人陳人蔡人秦人盟于

翟泉盟以諸侯之禮也宋持宋襄而始盟會也

此尋踐土盟且謀伐鄭也

文二年夏六月公孫敖會宋公陳侯鄭伯晉士穀盟于垂隴

晉襄以魯衛不朝新君來討公已如晉未還

二十九年夏六月會王人晉人宋人齊人陳人蔡人秦人盟于

翟泉

此尋踐土盟且謀伐鄭也其所會皆卿大夫而我但書會字



亦公會也史例如此

文二年夏六月公孫敖會宋公陳侯鄭伯晉士穀盟于垂隴

晉襄欲伐衛而諸國求成于晉故晉士穀受成焉

七年秋八月公會諸侯晉大夫盟于扈

此晉靈初立諸國共盟而晉趙盾受盟者其不書諸國名而

統言諸侯以公後至未通名也

八年冬十月壬午公子遂會晉趙盾盟于衡雍

乙酉公子遂會雒戎盟于暴以雒戎將伐魯也

十六年春季孫行父會齊侯于陽穀齊侯弗及盟

魯請盟而齊不許也

三年六月陳侯使袁僑如會戊寅叔孫豹及諸侯之大夫及陳

袁僑盟

此晉為雞澤之會陳請八會而與之盟者

十六年二月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

晉平新立與楚爭伯魯諸侯為盟獨齊侯不至晉令諸國大夫與齊使盟而齊使又逃歸于是大夫自為盟故變文如此

二十一年春王正月辛亥仲孫速會莒人盟于向

夏六月庚申公會晉侯齊侯宋公衛侯鄭伯曹伯莒子邾子滕

子薛伯杞伯小邾子盟于澶淵

齊晉平也

昭十五年夏五月仲孫纁會邾子盟于祿祥

二十六年秋公會齊侯莒子邾子杞伯盟于鄆陵

謀納昭公也

定十二年冬十月癸亥公會齊侯盟于黃

結叛晉也

會同盟

莊十六年冬十有二月會齊侯宋公陳侯衛侯鄭伯許男滑伯

滕子同盟于幽

齊楚爭服鄭也

文十四年六月公會宋公陳侯衛侯鄭伯許男曹伯晉趙盾癸

酉同盟于新城

晉靈服諸國也

宣十七年六月己未公會晉侯衛侯曹伯邾子同盟于斷道

晉景

服諸國也

成五年十有二月己丑公會晉侯齊侯宋公衛侯鄭伯曹伯邾

子杞伯同盟于蟲牢

晉服鄭也

九年春公會晉侯齊侯宋公衛侯鄭伯曹伯莒子杞伯同盟于

蒲 晉與楚爭鄭也

十五年三月癸丑公會晉侯衛侯鄭伯曹伯宋世子成齊國佐

邾人同盟于戚

十八年十二月仲孫蔑會晉侯宋公衛侯邾子齊崔杼同盟于

虛打 晉悼與楚爭宋也

襄三年公會單子晉侯宋公衛侯鄭伯莒子邾子齊世子光已

未同盟于雞澤

九年冬公會晉侯宋公衛侯曹伯莒子邾子滕子薛伯杞伯小

邾子齊世子光伐鄭十有二月己亥同盟于戲 此晉悼樓伐之盟也

來盟

桓十四年夏鄭伯使其弟語來盟



公子例通名語者鄭弟名也此與齊侯使其弟年來聘同  
閔二年冬齊高子來盟

齊桓定魯難也高倭稱子與前年稱季子來歸同

僖四年楚屈完來盟于師盟于召陵

此齊桓伐楚而楚來盟故云于師召陵師所退地

文十五年春三月宋司馬華孫來盟

宣七年春衛侯使孫良夫來盟

襄二十九年夏杞子來盟

**涖盟**往明也

僖三年冬公子友如齊涖盟

尋齊桓陽穀之會也

文七年冬公孫敖如莒涖盟

昭七年春叔孫舍如齊涖盟

定十一年冬叔還如鄭涖盟 魯鄭俱叛晉也

**乞盟**

僖八年春鄭伯乞盟 齊桓會洮服鄭也

**逃盟**

僖五年秋鄭伯逃歸不盟 齊桓盟首止而鄭叛歸也

**不盟**

昭十三年八月公不與盟 晉平丘之盟受莒愬而斥公也

**遇** 草次相會之名

隱四年夏公及宋公遇于清

八年春宋公衛侯遇于垂

莊四年夏齊侯陳侯鄭伯遇于垂

二十三年夏公及齊侯遇于穀齊桓修好也

三十年冬公及齊侯遇于魯濟齊桓謀伐戎也

三十二年夏宋公齊侯遇于梁丘

僖十四年夏六月季姬及鄆子遇于防使鄆子來朝

公惡鄆子不朝畱季姬歸寧而將絕之故姬遇鄆子而使之

來朝蓋鄆子魯壻也

**胥命**

相命也有約言而不歃血謂之相命

桓三年夏齊侯衛侯胥命于蒲

齊衛于隱八年曾為瓦屋之盟以平鄭此不知何事策書未

詳

平

平即成也傳多稱成而經多稱平要其義則一耳

隱六年春鄭人來輸平

宣四年春王正月公及齊侯平莒及邾莒人不肯公伐莒取向

十五年夏五月宋人及楚人平

昭七年春王正月暨齊平

定十年春王正月及齊平

十一年冬及鄭平

成

桓二年三月公會齊侯陳侯鄭伯于稷以成宋亂

成華督弒君之亂



侵伐

軍禮為五禮之一而侵與伐又祇得軍禮之二然而大槩可見者以潛師掠境與聲罪致討一陰一陽行軍之大致不過如此舊謂春秋皆征伐之書即孟子亦曰征者上伐下也敵國不相征也則春秋並無一征字凡侵六十伐二百有七其中圍襲八戰取救諸部原與侵伐別見者各就其標目而分著于篇

侵

莊十年春二月公侵宋

十五年秋鄭人侵宋

二十四年冬戎侵曹

皇清經解 卷二百一  
二十九年夏鄭人侵許

此策書不詳其事然鄭以許爲與國而思以并之竟與春秋相始終者此其一也

僖二年冬楚人侵鄭

楚與齊爭鄭也

十三年春狄侵衛

十四年秋狄侵鄭

二十一年春狄侵衛

二十八年春晉侯侵曹

三十年夏狄侵齊秋介人侵蕭

三十二年夏衛人侵狄

三十三年夏狄侵齊

四年夏狄侵齊

七年夏狄侵我西鄙

春秋書侵三十四而狄居十四然且侵宋伐鄭滅衛滅邢即  
以齊桓之攘夷而僖三十年齊伯衰而遂侵之今忽來侵我  
書所稱蠻夷猾夏詩所稱戎狄是膺者正指此等胡氏妄以  
楚當之而不知其誤也秦楚吳越皆春秋五等之爵並非夷  
狄惟此戎狄橫肆春秋屢書之此即寓攘之意若胡氏謂內  
中國外夷狄則以秦後之夷狄論春秋不通極矣春秋遍中  
國皆夷狄焉能外耶

九年夏狄侵齊

十年冬狄侵宋

十一年秋狄侵齊

十三年冬狄侵衛

十五年秋齊人侵我西鄙

冬十有二月齊人侵我西鄙

宣元年秋楚子鄭人侵陳遂侵宋

二年夏晉人宋人衛人陳人侵鄭

三年夏楚人侵鄭

秋赤狄侵齊

四年夏赤狄侵齊

六年春晉趙盾衛孫免侵陳

成二年楚師鄭師侵衛



十八年冬楚人鄭人侵宋

襄二年夏晉師宋師衛甯殖侵鄭

十四年夏莒人侵我東鄙

定六年春公侵鄭

奉晉命也

八年春王正月公侵齊二月公侵齊

皆報伐也

會定四年三月公會劉子晉侯宋公蔡侯衛侯陳子鄭伯許男

滑伯莒子邾子頓子胡子滕子薛伯杞伯小邾子齊國夏于召

陵侵楚

晉假王命伐楚而不敢伐即書侵而仍不侵陋之也

進僖二十六年春齊人侵我西鄙公追齊師至鄆弗及

執定七年秋齊人執衛行人北宮括以侵衛

此齊衛欲叛晉而衛大夫不從衛侯陰通齊侯使陽執其使以侵之蓋思脅其諸大夫也

侵獲襄八年夏鄭人侵蔡獲蔡公子燮

帥師宣元年冬晉趙穿帥師侵崇

侵無不帥師者特書例偶不同耳或曰帥師重侵事非也先仲氏謂成襄後史多書帥師前此皆不然此為得之

成六年春衛孫良夫帥師侵宋

秋仲孫蔑叔孫僑如帥師侵宋

衛與我皆受晉命以討宋並非重其事而書帥師者若二卿並書則凡我出師有然亦是史例蓋重出師不是重此一師也

八年春晉欒書帥師侵蔡

十年春衛侯之弟黑背帥師侵鄭奉晉命也

十六年夏鄭公子喜帥師侵宋

十七年春衛北宮括帥師侵鄭晉命也

襄元年秋楚公子壬夫帥師侵宋

十一年夏鄭公孫舍之帥師侵宋

十二年冬楚公子貞帥師侵宋

二十四年春仲孫羯帥師侵齊晉命也

定八年秋晉士鞅帥師侵鄭遂侵衛

九月季孫斯仲孫何忌帥師侵衛晉命也

哀七年春宋皇瑗帥師侵鄭

晉魏曼多帥師侵衛

十年夏晉趙鞅帥師侵齊

十三年秋晉魏曼多帥師侵衛

帥師 僖四年冬十有二月公孫茲帥師會齊人宋人衛人鄭人

會侵 許人曹人侵陳

帥師 襄十九年秋晉士匄帥師侵齊至穀聞齊侯卒乃還

會侵 僖四年春王正月公會齊侯宋公陳侯衛侯鄭伯許男曹

伯侵蔡蔡潰遂伐楚次于陘

此齊桓以諸侯之師伐楚也

同一帥侵而晉楚多爭強鄭宋多釋患魯衛在僖文之間皆

受命于齊宣成以後則皆受命于晉而文無異同者正所謂

義以事起以禮斷而不在于書法句字間也



伐

隱二年十二月鄭人伐衛

四年夏宋公陳侯蔡人衛人伐鄭

五年秋邾人鄭人伐宋

七年秋公伐邾

策書不合

桓八年秋伐邾

十四年宋人以齊人蔡人衛人陳人伐鄭

十七年秋及宋人衛人伐邾

莊十四年春齊人陳人曹人伐宋

十五年秋宋人齊人邾人伐鄭

十六年宋人齊人衛人伐鄭

秋荆伐鄭 楚爭鄭之始

十九年冬齊人宋人陳人伐我西鄙

二十年冬齊人伐戎

二十六年春公伐戎

三十年齊人伐山戎

僖元年楚人伐鄭

三年楚人伐鄭 與齊爭鄭也

四年秋及江人黃人伐陳

七年春齊人伐鄭

八年夏狄伐晉

十年夏齊侯許男伐北戎

十五年楚人伐徐

秋七月齊師曹師伐厲 冬宋人伐曹

十七年春齊人徐人伐英氏 楚與國

十八年春王正月宋公曹伯衛人邾人伐齊 宋襄納齊孝公也

冬邢人狄人伐衛

十九年衛人伐邢

二十年楚人伐隨

二十一年冬公伐邾

二十二年夏宋公衛侯許男滕子伐鄭

二十三年楚人伐陳

二十四年夏狄伐鄭

二十六 年夏齊人伐我北鄙 衛人伐齊

二十八 年春晉侯伐衛 晉文報怨也

三十三年 秋伐齊 晉人陳人鄭人伐許

文元年 晉侯伐衛 衛人伐晉 此晉伐衛而衛成報之

二年冬 晉人宋人陳人鄭人伐秦

三年 秦人伐晉

四年 晉侯伐秦

七年 春公伐邾 冬徐伐莒

十年 夏秦伐晉

十一年 春楚子伐麋

十四年 春邾人伐我南鄙



十七年春晉人衛人陳人鄭人伐宋 齊侯伐我西鄙

宣元年晉人宋人伐鄭 秦師伐晉

三年楚子伐陸渾之戎

四年冬楚子伐鄭

五年冬楚子伐鄭

八年晉師白狄伐秦 楚師伐陳

九年齊侯伐萊

十年六月宋師伐滕 晉人宋人衛人曹人伐鄭

楚子伐鄭

十三年齊師伐莒 夏楚子伐宋

十四年晉侯伐鄭

皇清經解 卷二百六十一  
十五年秦人伐晉

十八年晉侯衛世子臧伐齊 公伐杞

成二年春齊侯伐我北鄙

三年晉卻克衛孫良夫伐虜咎如赤狄也 冬鄭伐許

四年鄭伯伐許

七年吳伐郟

九年秦人白狄伐晉

十五年楚子伐鄭

襄二年鄭師伐宋

八年莒人伐我東鄙

九年楚子伐鄭

十年晉師伐秦 秋莒人伐我東鄙

十一年楚子鄭伯伐宋 冬秦人伐晉

十五年邾人伐我南鄙

十六年齊侯伐我北鄙

十七年宋人伐陳 冬邾人伐我南鄙

十八年秋齊師伐我北鄙

二十三年齊侯伐衛遂伐晉

二十四年夏楚子伐吳 冬楚子蔡侯陳侯許男伐鄭

二十六年冬楚子蔡侯陳侯伐鄭

昭四年秋七月楚子蔡侯陳侯許男頓子胡子沈子淮夷伐吳

五年楚子蔡侯陳侯許男頓子沈子徐人越人伐吳

此合諸國師而不書會者以楚效晉作摟伐而不曉會禮故略之此亦文例也

六年齊侯伐北燕

十二年楚子伐徐 晉伐鮮虞

十六年春齊侯伐徐

十九年春宋公伐邾

二十二年春齊侯伐莒

三十二年夏吳伐越

定二年秋楚人伐吳

哀元年秋齊侯衛侯伐晉

五年夏齊侯伐宋



六年吳伐陳

八年吳伐我

九年夏楚人伐陳

秋宋公伐鄭

十年宋人伐鄭

皇清經解卷一百六十終

漢軍生員樊封校

十平水人升職

以宋遺臣公升職

以平水升職

以平水升職

海經解卷一百六十一

學海堂

春秋屬辭比事記

蕭山毛檢討奇齡著

從王桓五年秋蔡人衛人陳人從王伐鄭

此桓王惡鄭莊以諸侯之師伐之而大國無至者即小國以大夫行而君不親軍故經以從王發例蓋深痛春秋之無王也是役王師敗績而不書諱之也文也

帥師伐莊二年夏公子慶父帥師伐于餘策書巨

僖三十三年秋公子遂帥師伐邾

文十四年叔孫彭生帥師伐邾

宣九年九月晉荀林父帥師伐陳

成三年鄭公子棄疾帥師伐許

六年楚公子嬰齊帥師伐鄭

七年楚公子嬰齊帥師伐鄭

九年晉欒書帥師伐鄭

十四年鄭公子喜帥師伐許

襄三年春楚公子嬰齊帥師伐吳 冬晉荀罃帥師伐許

五年楚公子貞帥師伐陳

八年楚公子貞帥師伐鄭

十年楚公子貞鄭公孫輒帥師伐宋

十四年楚公子貞帥師伐吳

十七年衛石買帥師伐曹

十八年楚公子午帥師伐鄭



十九年簡孫林父帥師伐齊

二十年仲孫速帥師伐邾

二十四年齊崔杼帥師伐莒

二十五年齊崔杼帥師伐我北鄙 冬鄭公孫夏帥師伐陳

昭六年楚薳罷帥師伐吳

十年秋七月季孫意如叔弓仲孫纘帥師伐莒

十五年晉荀吳帥師伐鮮虞

十九年秋齊高發帥師伐莒

定四年晉士鞅衛孔圉帥師伐鮮虞

七年齊國夏帥師伐我西鄙

八年齊國夏帥師伐我西鄙

十二年衛公孟彊帥師伐曹

十三年衛公孟彊帥師伐曹

十五年鄭罕達帥師伐宋

哀元年冬仲孫何忌帥師伐邾

三年宋樂髡帥師伐曹

五年晉趙鞅帥師伐衛

六年晉趙鞅帥師伐鮮虞 冬仲孫何忌帥師伐邾 宋向巢

帥師伐曹

十一年齊國書帥師伐我

十二年宋向巢帥師伐鄭

十三年楚公子申帥師伐陳

會桓十五年冬十有一月公會宋公衛侯陳侯于袤伐鄭

十六年夏四月公會宋公衛侯陳侯蔡侯伐鄭

莊三年春王正月溺會齊師伐衛

五年冬公會齊人宋人陳人蔡人伐衛

十四年夏單伯會伐宋

齊桓假王命也

二十六年秋公會宋人齊人伐徐

宣元年宋公陳侯衛侯曹伯會晉師于棐林伐鄭

七年夏公會齊侯伐萊

十一年公孫歸父會齊人伐莒

成三年春王正月公會晉侯宋公衛侯曹伯伐鄭

八年叔孫僑如會晉士燮齊人邾人伐鄭

皇清系角 卷一百六十一 三  
十年公會晉侯齊侯宋公衛侯曹伯伐鄭

十三年夏五月公自京師遂會晉侯齊侯宋公衛侯鄭伯曹伯  
邾人滕人伐秦

十六年公會尹子晉侯齊國佐邾人伐鄭

晉假王命也

十七年夏公會尹子單子晉侯齊侯宋公衛侯曹伯邾人伐鄭  
冬公會單子晉侯宋公衛侯曹伯齊人邾人伐鄭

襄九年公會晉侯宋公衛侯曹伯莒子邾子滕子薛伯杞伯小  
邾子齊世子光伐鄭

十年公會晉侯宋公衛侯曹伯莒子邾子齊世子光滕子薛伯  
杞伯小邾子伐鄭

十一年公會晉侯宋公衛侯曹伯齊世子光莒子邾子滕子薛



伯杞伯小邾子伐鄭

十二年公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚

春秋會伐卽孟子樓伐也樓伐之習雖起齊桓然不過數國且偶再耳晉自襄靈後無歲不然且動輒一十二國君必親至試問從王之師有是否也

十四年叔孫豹會晉荀偃齊人宋人衛北宮括鄭公孫薑曹人莒人邾人滕人薛人杞人小邾人伐秦

非命卿有名卽稱人十三國伐秦是戍之也甚矣

十六年叔老會鄭伯晉荀偃衛甯殖宋人伐許

哀十年公會吳伐齊

十一年公會吳伐齊

伐隱四年春王二月莒人伐杞取牟婁

十年秋宋人蔡人衛人伐戴鄭伯伐取之敗其師而取其眾也

僖二十三年春公伐邾取須句

二十六年公以楚師伐齊取穀

三十三年公伐邾取訾婁

宣四年春公伐莒取向

戰桓十二年十有二月及鄭師伐宋丁未戰于宋

圍隱五年冬宋人伐鄭圍長葛

僖二十三年春齊侯伐宋圍緡

二十六年冬楚人伐宋圍緡

襄十二年春王二月莒人伐我東鄙圍台

十七年齊侯伐我北鄙圍桃

伐入文十五年齊侯伐曹入其郛

成十八年夏楚子鄭伯伐宋宋魚石復入于彭城

伐納莊九年夏公伐齊納糾齊公子糾也

伐歸隱七年戎伐凡伯于楚丘以歸

此非構伐徒剽略耳特書伐重王人也

伐僖三十三年宣十二年宋師伐陳衛人救陳

伐卒襄二十五年吳子遏伐楚門于巢卒

帥師會伐隱四年秋翬帥師會宋公陳侯蔡人衛人伐鄭

十年夏翬帥師會齊人鄭人伐宋

此魯齊鄭奉王命討宋而君不親軍但遣大夫帥師故不書

王命亦文例也

帥師宣十年公孫歸父帥師伐邾取繹

哀二年春王二月季孫斯叔孫州仇仲孫何忌帥師伐邾取濼

東田及沂西田

帥師襄十七年齊高厚帥師伐我北鄙圍防

帥師文十五年晉郤缺帥師伐蔡戊申入蔡

帥師文三年晉陽處父帥師伐楚以救江

宣九年楚子伐鄭晉郤缺帥師救鄭

哀十年楚公子結帥師伐陳吳救陳

帥師成九年楚公子嬰齊伐莒庚申莒潰楚人入鄆



帥師伐會次襄元年晉韓厥帥師伐鄭仲孫蔑會齊崔杼曹人邾人

杞人次于鄆

會伐圍僖九年夏公會齊侯宋公陳侯衛侯曹伯伐鄭圍新城

會伐潰文三年春王正月叔孫得臣會晉人宋人陳人衛人鄭人

伐沈沈潰

會執伐僖二十一年秋宋公楚子陳侯蔡侯鄭伯許男曹伯會于

孟執宋公以伐宋合伐宋襄也

伐會救莊二十八年荆伐鄭公會齊人宋人救鄭

文九年楚人伐鄭公子遂會晉人宋人衛人許人救鄭

伐圍救襄十五年夏齊侯伐我北鄙圍成公救成至遇

伐戰敗績莊二十八年春王三月甲寅齊人伐衛衛人及齊人戰衛

人敗績

齊桓奉王命討衛而經不書不親軍也

會侵潰  
伐次

僖四年公會齊侯宋公陳侯衛侯鄭伯許男曹伯侵蔡

蔡潰遂伐楚次于陘

克

隱元年夏五月鄭伯克段于鄆

克者勝也勝之已耳子之也此春秋專例也

入

入而取其地與入而不取其地統名曰入

隱二年夏五月莒人入向無駭帥師入極

五年衛師入邾國名

十年秋宋人衛人入鄭冬十月壬午齊人鄭人入邾

一年秋七月壬午公及齊侯鄭伯入許  
此後俱闕

按屬辭比事記十卷在同門編緝時已亡其半今無可問矣  
諸門做成式尙可補綴然不敢誣罔闕之已耳若屬比切例  
一門則在本傳下細觀自具如惠公娶宋仲子與衛莊娶陳  
厲嬀比例惠公立桓公爲嫡子與魯莊立子般爲嫡子比例  
類並鮮闕軼且每傳下又有明註如隱二年無駭帥師入極  
與莊三年溺帥師伐鄭例同隱三年武氏子來求賻與桓五  
年仍叔之子來聘例同類較之二十二門部一槩比屬者迥  
別此在本傳已自瞭然何敢再贅觀者諒之遠宗謹識

工部都水司郎中臨川李秉綬刊

上清精本同湖中盛德李奉好氏

限世本新日自初經神效有林歸善高之效宗新編

平沙賦之千來開國同應輝多三十二門一樂此國首

典籍三平漸相曲外渡國同朝三平為五子來來朝現

職並無關神且百真不又官即指收烈二平無無曲

風波出國惠公立蘇公為誠千典魯其立于與流誠千

一門限空本新不誠贈自具收惠公晏宋朝千與高我

奮門知人失情不誠歸然不煩臨國關之与耳其誠出

對羅給出專臨十卷由同門誠歸朝与寸其半今無西

皇清經解

皇清經解卷一百六十一終 漢軍生員樊封校